



**Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Art. II. Vtrum omnia præcepta Decalogi, omnesque actus virtutum, sint de lege naturæ?

---

[urn:nbn:de:hbz:466:1-77355](#)

## ARTICVLVS II.

*Vtrum omnia præcepta Decalogi, omnesque actus virtutum, sint de lege naturæ?*

27. **Q**uidam Jurisperiti afferunt sub lege naturali contineri tantum prima principia practica per le nota, non autem conclusiones quæ ex illis deducuntur, cuiusmodi sunt Decalogi præcepta; hæc enim existimant ad jus gentium potius quam ad jus naturæ spectare. Aliqui vero Theologi cœsent, pro�us à veritate alienum esse, quod docet D. Thomas hic art. 3., nimur omnes actus virtutum esse de lege naturæ, cum plura (inquit) opera virtutum non sint de præcepto, sed tantum de consilio. Pro resolutione, sit

## §. I.

*Vrae difficultas duplii conclusione resolvitur.*

**D**ico primò, omnia præcepta Decalogi (excepto tertio de sanctificatione sabbati, quod quantum ad determinationem temporis, est legis divinae positivæ, & scriptæ) pertinere ad legem naturalem. Ita communiter docent Theologi & peritos Juristæ, quos refert & sequitur Turrecrescens, cap. *Ius gentium* dist. 1, art. 1.

28. **P**robatur primo ex definitione juris naturalis, quod teste Aristotele, Ethic. cap. 7. est illud quod ubique vim habet, videlicet ex ipsa rei natura, & non quia videtur vel non videtur, id est non quia voluntariè & arbitrariè instituitur. Vel ut alii dicunt, ius naturale est, quod nec genuit opinio, neque humana aliqua institutio, sed ex sola ratione naturali vim habet: Atqui tale est ius quo omnia Decalogi præcepta, excepta determinatione diei festi, observare tenemur; illud enim nec genuit opinio, nec humana aliqua institutio, sed ex vi solius rationis naturalis obligat; ut perspicuum est in cultu Dei, & honore parentum, homicidio, & adulterio, quorum illa ex vi solius rationis exequi, hæc vero vitare tenemur: Ergo omnia Decalogi (excepto tertio de sanctificatione sabbati, quantum ad determinationem temporis) pertinent ad legem naturæ.

29. **P**robatur secundò ex differentia quæ reperiuntur inter legem naturalem & positivam, lex enim naturalis in eo differt à purè positiva, quod illa supponit in objecto honestatem quam præcipit, moralēmque necessitatem, & malitiam quam prohibet; unde quæ per illam præcipiuntur aut prohibentur, non sunt bona, quia præcepta, aut mala, quia prohibita; sed è contrariò sunt præcepta, quia bona & moraliter necessaria ex natura rei; vel prohibita, quia mala & naturaliter indecentia. At vero lex purè positiva, non supponit in objecto quod præcipit aut prohibet, moralēm necessitatem agendi aut omitendi ex ipsa natura rei, sed illam inducit; quæque per illam præcipiuntur, sunt tantum necessaria moraliter, quia præcepta; & quæ per illam prohibentur, sunt tantum mala & illicita, quia prohibita: Sed omnia quæ præcipiuntur vel prohibentur per Decalognum, excepta determinatione diei festi, sunt bona & honesta, vel turpi & indecentia, ex ipsa natura rei, & seclusa quacunque lege positivâ, ut constat in cultu Dei, & honore parentum, homicidio, furto, & adulterio: Ergo omnia præcepta Decalogi, cadunt sub lege naturæ, excepto præ-

A cepto sabbati, quod aliquid habet juris positivi divini, & aliquid juris naturalis. Quatenus enim cultum ipsius Dei præcipit, est de jure naturæ; si quidem natura satis docet, cultum esse Deo, pro collatis beneficiis, & pro supremo ejus excellentiâ persolvendum; sed quatenus præscribit certum diem potius quam alterum, est juris divini positivi; natura enim hunc diem non præscribit, sed Deus solus eum observandum Adamo & Evi expressè præscriptus; eò quod, ut ait Scriptura, à creatione seu ab omni opere quod patraret, die septimo requieverit; & secundum taxat fuit veteris legis abrogatione antiquatum per Evangelicam, in qua sabbato dies Dominica, Christi resurrectione consecrata, colenda à nobis, succedit.

Dico secundò, omnes actus virtutum esse de lege naturæ, si spectentur secundum suam rationem genericam, sive inquantum sunt virtuosi; non vero si considerentur secundum seipso, & in propriis speciebus. Ita D. Thomas hic art. 3., ubi primam partem conclusionis hac ratione demonstrat: *Ad legem naturæ pertinet omne illud ad quod homo inclinatur secundum suam naturam: inclinatur autem unumquodque naturaliter ad operationem sibi convenientem, secundum suam formam, sicut ignis ad calcificandum; unde cum anima rationalis sit propria forma hominis, naturalis inclinatio inest cuilibet homini ad hoc quod agat secundum rationem.* Et hoc est agere secundum virtutem, unde secundum hoc omnes actus virtutum sunt de lege naturali, dicitur enim hoc naturaliter unicuique propria ratio ut virtus agat.

C Secundum vero ex eo probat, quod multa secundum virtutem sunt, ad que natura non primò inclinat, sed per rationis inquisitionem ea homines ad invenerunt quasi utilia ad bene vivendum, ut patet in artibus justitiae commutativa, qui in emptione & venditione, aliisque humanis contractibus exercentur.

Potest hoc conclusio, quoad utramque partem, hoc exemplo declarari & illustrari: Actus temerarius v. g. secundum suam genericam rationem, seu ex genere suo, id est quatenus est actus virtuosus, talis est ut in eum natura inclinet, sicut ad legem naturæ dicitur pertinere: quod autem per abstinentiam a carnis, & per jejunium quadragesimale debat exerceri, hoc non est à lege naturali, sed positiva, pender enim ex voluntate & præcepto Ecclesiæ.

## §. II.

*Solvuntur objectiones.*

**O**bijices primò contra primam conclusionem: *Lege Omnes, ff. de justitia & iure, & lege Bonâ fide, ff. depositi, tribuuntur iuri gentium multa quæ deducuntur ex primis principiis practicis per evidenter consequentiam, & pertinent ad præcepta Decalogi:* Sed ius gentium distinguuntur à jure naturali, ut docet D. Thomas quæst. sequenti art. 4. Ergo præcepta Decalogi non pertinent ad legem naturalem.

Respondeo ius gentium duobus modis usurpati posse, scilicet & propriè, seu effectivè, id est, à gentibus institutum; & largè ac imprropriè, seu subjectivè, hoc est ab omnibus gentibus observatum; quo pacto coincidit cum iure naturali; cum enim ius naturale ab omnibus gentibus observetur, subjectivè & imprropriè, ius gentium

gentium dici potest , juxta illud Tullij Tusculanâ secundâ : *In omni re omnium gentium consensu, lex varire putanda est.* Quando ergo prædictis legibus , multa quæ deducuntur ex primis principiis practicis per evidentem consequentiam , & pertinent ad præcepta Decalogi , dicuntur ad ius gentium pertinere , usurpatum jus gentium secundo modo , in qua conceptione , ut ostendimus , coincidit cum iure naturali , subindeque ex illis legibus nihil contra primam conclusionem inferri potest .

**35.** Objicies secundò contra secundam conclusio-  
nenem : Opera virtutum quæ cadunt sub consilio , &  
dicuntur supererogationis , non sunt de lege na-  
turæ ; cùm enim illa præceptiva sit , ea solum quæ  
cadunt sub præcepto , sub tali lege cadere vi-  
didentur : Ergo falsum est , omnes actus virtutum  
esse de lege naturæ , ut docet S. Thomas hic  
art. 3.

**36.** Confirmatur : Si opera virtutum quæ cadunt sub consilio , ut virginitas , & alia ad quæ non te-  
nemur ex præcepto , essent de lege naturæ , confi-  
liū esset actus legis naturalis : Sed hoc est falsum ,  
ut patet ex dictis disp. 1. art. 7. ubi cum D. Tho-  
ma ostendimus esse quartuor tantum actus legis ,  
nimis præcipere , prohibere , permettere , &  
punire : Ergo &c. Sequela Majoris probatur : Si  
hac opera essent de lege naturæ , lex naturalis in-  
clinaret ad illa , sicut & ad alia : Sed lex naturalis  
non inclinat ad aliquod opus virtutis , nisi me-  
diante aliquo actu legis : cùm igitur ad prædicta  
opera cadentia sub consilio non inclinet medio  
præcepto & prohibitione , permissione , aut puni-  
tione , sed solum medio consilio , si illa sint de le-  
ge naturæ , sequitur quod consilium sit actus  
legis .

**37.** Ad objectionem respondet Vazquez , conces-  
so Antecedente , negando Consequentiam , quia ,  
inquit , cum S. Thomas docet , omnes actus virtutum  
esse de lege naturæ , non loquitur de actibus  
virtutum qui cadunt sub consilio , & qui dicun-  
tur supererogationis , sed tantum de actibus præ-  
ceptis legi naturæ .

Verum hæc interpretatio aperte repugnat  
menti S. Doctoris , ut patet ex verbis ejus suprà  
adductis , & ex ratione quæ uitetur ad probandum  
nostram conclusionem , quæ universaliter con-  
cludit de omnibus actibus virtutum , cùm omnes  
sint secundum inclinationem naturæ rationalis ,  
ut virtuosi sunt , quæ est ratio D. Thomæ . Præ-  
terquam quod si D. Thomas tantum loqueretur  
de actibus præceptis lege naturæ , solum doceret  
quod omnes actus virtutum præcepti , sunt de lege  
naturæ , quod per se manifestum est , nec indiget  
probatione : inò si tantum hoc vellet , videretur  
petere principium , & probare idem per idem ,  
cùm idem sit formalissimè loquendo actum esse  
de lege naturæ , quæ præceptiva est , ut fateretur  
Vazquez , ac esse præceptum lege naturæ .

**38.** Aliter ergo objectioni respondendum est , di-  
stinguendo scilicet Antecedens : Opera virtutum  
quæ cadunt sub consilio , & dicuntur supererogationis , non sunt de lege naturæ : in propriis  
speciebus considerata , concedo Antecedens . In-  
quantum sunt virtuosa , nego Antecedens , &  
Consequentialiam . Solutio patet ex dictis in secun-  
da conclusione , in qua cum S. Doctore ostendimus , quod licet omnes actus virtutum in propriis  
speciebus considerari , non sunt de lege naturæ ,  
quia ad illos sic spectatos natura rationalis non  
inclinat ; si tamen considerentur ut virtuosi , sunt

A de lege naturæ , quia ratio naturalis dicitur esse  
studiosè seu virtuosè agendum . Quod ut magis  
declaretur ,

Observandum est , dupliciter posse intelligi , 39.  
quod ratio naturalis dicitur virtuosè agere etiam  
in operibus virtutum quæ cadunt sub consilio , &  
supererogationis dicuntur : Primo taliter ut præci-  
piat facere illos in quantum virtuosi sunt : Secun-  
dò taliter ut præcipiat quod si sunt , virtuosè  
sunt . Primum non dicitur ratio naturalis in illis ,  
sed tantum in actibus præceptis iure naturali . Se-  
cundum verò dicitur tam in illis quam in omnibus  
procedentibus ab homine ut homo est , dicitur  
enim ratio naturalis , quod si homo operetur ut  
homo , secundum formam hominis operetur , &  
conformiter ad rationem , quod est virtuosè ope-  
rari . Intantum igitur dicimus , actus superero-  
gationis & consilio , prout sunt virtuosi , esse de  
lege naturæ , in quantum lex naturalis dicitur , quod  
si sunt ab homine , virtuosè & conformiter ad  
rectam rationem fieri debent .

Ad confirmationem nego sequelam Majoris , 40.  
& ad illius probationem dico quod lex naturalis  
inclinat ad hujusmodi opera , ut virtuosa sunt ,  
modo explicato , per actum præcepti , est enim  
lex præceptiva : prout sic autem non cadunt sub  
consilio , sed tantum prout in suis speciebus con-  
siderantur .

C Objicies tertio : Non omnia peccata sunt contra  
legem naturæ : Ergo neque omnes actus virtu-  
tum etiam naturalium ad legem naturæ per-  
tinent .

Respondeo distinguendo Antecedens : Non  
sunt contra naturam animalem , seu omnibus ani-  
malibus communem , eo modo quo concubitus  
masculorum dicitur esse contra naturam , concedo .  
Non sunt contra naturam , id est contra rationem ,  
quæ est natura hominis , nego . Quod ut magis  
explicetur ,

D Observandum est ex D. Thomâ hic art. 2. in  
natura hominis plures distingui gradus , entis ,  
animalis , & rationalis . Si spectetur juxta gradum  
entis , seipsum interficere dicitur peccatum con-  
tra naturam , quia quicunque quatenus est ens , se-  
ipsum conservare tenetur , juxta illud Tullij cap. 1.  
Offic. *Principio generi animalium omni est à*  
*natura tributum , ut se , vitam , corpusque iue-*  
*tur . Si juxta gradum animalis , peccata nefanda*  
*carnis , ut sodomitæ , bestialitas , & mollities , di-*  
*cuntur contra naturam , quia contra inclinationem*  
*naturalem omnibus animalibus insitam pu-*  
*gnant . Si secundum gradum rationis , qualibet*  
*peccata dicuntur contra naturam hominis pugna-*  
*re , quia contrariantur rationi , quæ est natura*  
*homini , ut in Tractatu de peccatis fusè declara-*  
*vit . Nihilominus per antonomasiam , du pri-*  
*ora genera peccatorum pugnare contra naturam*  
*dicuntur , quia nefandissimum est committere id ,*  
*à quo bruta ipsa , nec non entia omnia abhorrent .*

E Ogerer D. Thomas hic art. 4. iurum lex naturæ  
fit una apud omnes . Respondeo que illam esse unam  
apud omnes & secundum rectitudinem & secun-  
dum notitiam , quoad sua principia communia ,  
quia quoad illa principia sic se habetratio practica  
sicut speculativa , quæ procedit ex principiis , quæ  
sunt eadem apud omnes , & secundum veritatem ,  
& secundum notitiam . Quantum verò ad quæ-  
dam principia propria ex communibus deducta ,  
docet non esse eandem apud omnes , nec quoad re-  
ctitudinem , nec quoad notitiam , quia quantum  
ad hoc aliter philosophandum est de ratione spe-

Dip. 2.  
art. 2.

433

culativa & de ratione practica; ratio enim speculativa versatur circa principia propria, quae sunt necessaria, & impossibile est aliter esse, unde absque aliquo defectu inventitur veritas in conclusionibus ex illis deductis; ratio vero practica versatur circa contingentia, nimirum circa operationes humanas, quas aliquando contingit impediti: unde lex naturalis; quantum ad hanc principia particularia, non est eadem apud omnes quantum ad restitudinem & notitiam, sed solum ut in pluribus.

Ad majorem hujus doctrinæ explicationem, querunt hic aliqui, an dari possit ignorantia invincibilis, & excusans à peccato, eorum quæ sunt de lege naturæ. Verum de hoc sufficienter egimus in dissertatione de probabilitate, art. 7. §. 3. in responsione ad quintam objectionem. Unde ad hunc locum lectorem remittimus, ne eadem hic inutiliter repetamus.

## ARTICVLVS III.

*Vtrum lex naturæ pati possit mutationem, dispensationem, abrogationem, vel derogationem. & interpretationem, vel epikiam?*

§. I.

*Quibusdam premisis, statuuntur quatuor conclusiones, quibus resolvuntur difficultates propositæ.*

44.

**N**otandum primum, dupliment posse dari vel concipi mutationem legis; unam propriæ dictam, quando lex ipsa mutatur in se, vel quia definit in se, ut quando ad tempus lata est, quo finito cessat, vel cum de justa sit iusta, vel quia abrogatur à superiori, vel quia restringitur per dispensationem; aliam improprietatem & largè sumptum, quando nimirum sit mutatio ex parte materiae legis, per quam ipsa definit esse materia legis, & subiacere ejus obligationi: quæ mutatio maximè locum habet in his quæ pendent ab humano consensu & voluntate mutabili, ut in votis, juramentis, matrimonii, & similibus.

45.

Notandum secundò, dispensationem legis differre ab irritatione, abrogatione, derogatione, & interpretatione ejusdem, quod dispensatio sit quando quis in aliquo casu ab obligatione legis eximitur, aliis ad legem ipsam manentibus obligatis; exempli gratiâ, infirmus dispensatur à lege jejunij proper suam infirmitatem, aliis qui sani sunt eâ lege obstricti; irritatio, quando obligatio legis aboleatur & auferatur ab aliquo, antequam per eam perfectè obligetur, ut quando vota filiorum impuberum irritantur à parentibus; cum enim nondum annos pubertatis attigerint, nondum perfectè per hujusmodi vota obligantur, ideoque locus est ea à parentibus irritandi. Abrogatio est, quando lex absolute tollitur, seu aboleatur, sive per contrariam legem & consuerdinem, sive per desuetudinem, ut lex Apostolorum de abstinentia sanguine & suffocato, quæ jamdudum desit, nec amplius obligat. Interpretatio vero, quando declaratur legem in aliquo casu minime obligare; sive communiter dicitur ad dispensationem legis opus esse potestate & jurisdictione; ad interpretationem vero & declarationem, scientiâ & prudentiâ.

A Notandum tertio, epikiam ex Philosopho; Ethic. 10. esse legis emendationem, ubi deficit propter universale. Cum enim lex debeat esse universalis, & legislator singulos casus prævidere non possit, contingit ut in aliquo erreret, & tunc utimur epikia, per presumptam voluntatem legislatoris contra verba legis, eo quod, si ille adsereret, in tali casu non obligaret. Verum, ut recte observat Cajetanus 2. 2. quæst. 120. art. 1. duabus modis potest lex deficere in aliquo particuli, negativè scilicet & contrariè. Deficit negati, quando ita deficit, ut si servetur, nihil mali sequatur: contrariè, quando injustum est illam servare. In secundo tantum casu locum habet epikia, in primo, servanda est lex cum semper præster custodia legis, quando nihil mali ex ea sequitur. His præmissis, pro resolutione primæ difficultatis in titulo propositæ,

Dico primò, legem naturalem non posse pati mutationem improprietam, seu ex parte materiae.

Prima pars, quæ est D. Thomas hinc art. 5. facili potest suaderi ex dictis in primo notabilis: Nam, ut ibi dicebamus, tunc mutatio legis propriæ dicta contingit, quando lex ipsa mutatur in se, vel quia definit in se, ut quando ad tempus lata est, vel cum de justa sit iusta, vel quia abrogatur à superiori, vel ab illo per dispensationem restringitur.

C At nullo ex his modis lex naturæ mutationem pati potest, non enim potest per seipsum definire, quia non est lata ad tempus, sed sine termino. Neque potest de justa fieri iusta, cum nihil præcipiat, quod non sit intrinsecè & ex natura rei bonum; nihil prohibeat, quod non sit intrinsecè & ex natura rei malum; neque enim bonum aut malum facit, sed ostendit. Non potest etiam à Deo abrogari, vel per dispensationem restringi, ut ex infra dicendis constabit: Ergo mutationem propriæ dictam pati nequit.

Quod vero mutationem impropria, & ex parte materiae, in eam cadere posset, manifestum est; materia enim circa quam lex naturæ versatur, non semper eodem modo se habet, sed interdum variatur, propter alias circumstantias occurrentes; unde sit ut illud quod erat de lege naturæ, posita non sit de lege naturæ: v. g. de legenaturæ est, quod depositum sit reddendum, quando res in deposito constituta non petitur in damnum aliquid; sed quia potest contingere quod petatur in alicuius perniciem, tunc mutatur materia legis depositi, ratione cuius lex ipsa de reddendo deposito improprie mutatur; nam antea dictabatur depositum esse reddendum, quando scilicet non considerabatur haec circumstantia; modo vero contrarium dicitur, ratione talis circumstantie. Propterea tamen ratio formalis talis legis non variatur, quia haec formaliter loquendo non fertur in rem absolutè consideratam, sive debitis circumstantiis, sed ut sit sub illis; dictat enim depositum esse reddendum, non utcumque, sed dum non petitur in perniciem alicuius, & non aliter; hoc autem nunquam variatur, nec variari potest, est enim intrinsecè bonum, sicut colere Deum, & honorare parentes.

Notandum tamen est, quod licet haec variatione materiae inveniatur in aliquibus praepeditis legis naturæ, non tamen in omnibus; sunt enim aliqua, quæ nec ratione materiae mutari possunt, cum materia illorum per se requisita sit omnino invariabilis, ut patet in pracepto de non mentiendo; mendacium enim adeò intrinsecè malum est, quod nullâ causâ, ratione, aut fine

46.

47.

48.

49.